

CHRIS

Dum



Cim 1921-  
-1923

Autor,  
rum,

quis esto  
liber!

Teolog 3043 h

39. VI. 21.

Notandum ex hoc libro

Coel Melanctone. pag -- 215

quod sit Sacramentarius

De Prentio quod sit etiam

in nonnullis faueret 220.



Handwritten text, likely a title or header, possibly reading "The History of the County of..."

Handwritten text, likely a title or header, possibly reading "The History of the County of..."



D. O. M. A. E. C.  
Disputatio VI.

COLLEGII CORPORIS DO-  
*ctrinae Prutenicarum Ecclesiarum,*

DE CHRISTI  
STATIBUS EX-  
NANTIONIS ET  
Exaltationis.

SUB PRÆSIDIO

COELESTINI MISLENTÆ,  
SS. Th. D. eiusdem, ut & Hebr. lin-  
gæ Profes. Ordinari. Consistorii  
Sambiens. assessoris.

RESPONDENTE

NICOLAO CUDERO,  
Parys. Prusso.

*Publicè in Auditorio majori  
August. habenda.*

REGIOMONTI.

Typis Laurentii Segebadli, Anno 1624.

VIRIS

*Prudentissimo, spectatissimis,  
præstantissimis,*

**DN. LAURENTIO WITPAHL**  
Reip. palæopolitanae apud Regio-  
montanos Scabino lauda-  
tissimo.

**DN. ISRAELI HOPPIO PA**  
tritio Elbingensi primario,  
*Reverendis & doctissimis,*

**DN. PAULO GERLACHIO,** in Dite-  
tersdorff.

**DN. THOMÆ KYSEŒ,** in Galingen  
pastoribus Ecclesiæ fidelissimis.

*Domini & fautoribus suis summiſſe  
colendis*

Hanc disputationem Theologicam  
inscribit.

**NICOLAUS CUDERUS P.**

*Ann 1922 (f)*



*Disputatio VI.*

DE CHRISTI STA-  
tibus, Exinanitionis, & Exal-  
tationis.

*Respondente Nicolao Cudero Pr.*



Um status Exinanitionis,  
& Exaltationis Christi sit iter  
& medium ad officium ipsius  
exequendum; necessitas effla-  
gitat, ut post Christi officia,  
de Statibus ejusdem agamus,  
secuti hac in parte filium, &

filium libelli nostri.

I. DE SEDE HVIVS  
*doctrina.*

I. Indicatam jam supra Disputat. IV. à no-  
bis fuerat; undenam, & ex quo loco A. C.  
Locus de Christi personâ ejusq; officio sit de-  
sumtus. Ubi ex verbis Tertii articuli recitatis  
haud obscure status Christi geminus eruitur, utue  
K 2 toti-



cotidem verbis non exprimatur. Exinanitionis  
quidem comprehenditur sub hisce: Unus Christus  
verè Deus, & verè homo natus ex virgine Maria, verè  
passus, crucifixus, mortuus & sepultus &c. Exaltatio  
nis v. sequentibus exprimitur: Idem descendit ad  
inferos, & verè resurrexit tertiâ die, deinde ascendit  
ad cœlos, ut sedeat ad dexteram Patris, & perpetuò  
regnet, & dominetur omnibus creaturis, sanctificet  
credentes in ipsum, misso in corda eorum Spiritu S.  
qui regat, consoletur, ac vivificet eos, ac defendat ad-  
versus diabolum & vim peccati. Idem Christus palàm  
est rediturus, ut judicet vivos & mortuos &c.

2. Eadem sententia proposita extat in prima  
parte articulorum Smalcaldicorum, artic. IV. ubi  
uterq; status, quoad rem ipsam optimè describi-  
tur: Exinanitionis, mentione conceptionis, nativi-  
tatis, passionis, mortis & sepulture Christi: Exalta-  
tionis, mentione factâ descensus ad inferna, resurre-  
ctionis à mortuis, ascensionis ad cœlos, sessionis ad dex-  
teram DEI, adventus ad iudicium vivorum & mor-  
tuorum.

## II. DE SUMMA HVIVS doctrina, prout in libello nostro proponitur.

3. Pag. antepenultimâ S. Quamquam autem,  
Geminus Christi status describitur: Primò, Exina-  
nitionis: Ubi asseritur 1. Christum dona quidem  
infinita & verè divina statim ab initio hyposta-  
tica

ticæ cum Deitate unionis accepisse : 2. ast acceptam illam divinam potentiam in humana sua natura usurpasse (non semper, sed) quando, ubi, quoties & quomodo ipsi placuit : 3. ad tempus sese exinanivisse propter nos, & habitu reperiri voluisse instar vulgaris alicujus hominis Phil. 2. v. 7. idq; non ex aliquo defectu, & impotentia, sed per intermissionem spontaneam usurpationis plenariæ, ac exercitii.

Deinde Exaltationis: Ubi asseritur, Christum plenarium usum donorum increatorum ac infinitorum secundum humanam naturam à λόγῳ communicatorum & collatorum, post mortem & passionem suam demùm exeruisse.

4. Quæ assertio probatur: Primò dictis Scripturæ Rom. 1. v. 4. Matth. 28. v. 18. Dan. 7. v. 14. Ephes. 1. v. 20. 21. 22. 23. c. 4. v. 9. 10. 11. 1. Pet. 3. v. 18. 19. 22. Hebr. 7. v. 26. 1. Cor. 15. v. 24. 25. Postmodum sententiis Patrum, utpote Athanasii, Basilii, Emis-  
seni, Augustini, Cyrilli, simulq; iis evincitur 1. Christo secundum humanam naturam dona illa increata esse collata; 2. collationem illam factam fuisse in tempore; 3. humanam naturam in Christo collatione illâ donorum esse in meliorem statum erectam; 4. Deitatem λόγῳ in tempore nil majestatis divinæ accepisse, neq; quicquam tamen diminutionis celsitudinis suæ, ab imbecillitate carnis perpeßam fuisse.



### III. DE EXPLICATIONE

#### *Theseos.*

5. Status Christi considerandi veniunt vel in genere, vel in specie.

6. In genere sciendum, duos esse Christi status; nim. 1. Exinanitionis. 2. Exaltationis: Quidam superaddunt Tertium, statum Exaltationis in duos dispendentes, vid. 1. Glorificationis, & 2. Majestatis: sed non sunt multiplicanda entia, præter necessitatem; siquidem Glorificatio & Majestas non constituunt diversos gradus exaltationis; sed solummodo ejusdem gradus diversos respectus; ita ut Glorificationis dicatur, ratione infirmitatum depositarum, & translationis in conditionem corporum glorificatorum: Majestatis v. ratione erectionis & collocationis ad dexteram Dei, per gloriosam ascensionem supra omnes cælos.

7. De Statibus Christi in genere teneantur Maxime: 1. Uterque status est diversum ac realiter distinctum quid, a naturalibus proprietatibus, & officio Christi.

A proprietatibus quidem tum ex parte divinæ tum humanæ naturæ in Christo. Neque enim possunt dici vel exinanitio, vel exaltatio præcisæ ac propriæ; sicuti conditio hominis alicujus non est ipse homo, aut proprietates ejusdem, sed hominis certa circumstantia, vel adjunctum, aut adjacens. Ab officio v. uterque status est quasi



iter & medium ad officium exequendum, uti supra dictum ab initio. Ergo non erit ipsum officium, id quod magis ex sequenti theoremate dilucidius constabit.

2. Uterq; Status competit Christo secundum humanam naturam, & quidem tantum; non verò secundum divinam.

Ratio. Nam uti exinanitio, ita exaltatio in Deitatem cadere nequit; quia utriq; præsupponitur mutabilitas, vel in pejus, vel in melius; utiq; etiam superius principium huius mutationis: Hinc resultat simul contingentia, ac expirat summa necessitas, ac independentia *subjecti humiliandi & exaltandi*. Quæ omnia de Deitate absurda vel cogitatu, nedum dictu. Ac proinde status uterq; ad Christi humanam naturam restringendus erit, quippe principium creatum, dependens, contingens, & mutationi obnoxium.

8. Ubi tamen negari nullo modo potest aut debet, Christum esse exinanitum & exaltatum ut personam, ita dicente Spiritu S. Phil. 2. v. 5. ii. ideo tamen non erit progrediendum ad utramq; naturam, sed subsistendum erit in humana. Quare distinguendum est inter *subjectum*. Quod, quale est totus Christus Θεάνθρωπος, & *subjectum* Quo, quale non est totum Christi vel utraq; natura, sed tantum alterutra, & quidem mutationis capax, h. e. humana natura, quæ exinaniri & exaltari potuit.

9. Unde priori theoremati robur validum accedit, ubi dicebamus, Statum Christi utrumq; differre à naturalibus proprietatibus, & officio Christi. Nam 1. proprietatum utriusq; naturæ in Christo datur communio: quis v. vel fando audivit communicatum esse statum exinanitionis & exaltationis? 2. Status uterq; competit Christo secundum humanam naturam tantum: omne a. officium competit Christo secundum utramq; naturam.

3. Uterq; status attulit Christo secundum humanam naturam veram ac realem mutationem. Exinanitionis quidem formæ Dei evacuationem, vel usus plenarii potentiae & virtutis divinæ, ac operationis retractionem, & inhibitionem; servilis formæ assumptionem, & deniq; extremam humiliationem in perpeſſione mortis cum summis doloribus Phil. 2. v. 6. 7. 8. Exaltationis v. transferendo Christum ex conditione servili in gloriam celestem, ibid. v. 9. 10. 11. Luc. 24. v. 26. Psal. 110. v. ult. Qua de re uberius in sequentibus, in cujusvis status consideratione speciali.

### DE STATV EXINAN- ITIONIS.

10. Status Christi Exinanitionis occurrit apud Theologos in significatione aliquando in propria, interdum in propria.

11. Significatio impropria est quadruplex ferm.

12. Prin



12. *Primò capitur pro abolitione alicuius nature.* De hac B. Hieronymus ad Damasc. in Symboli explicat. sic scribit inter alia: *Non exinanita (h. e. abolita) est humanitatis substantia: quæ Exinanitio ab instituto præsentis est longè aliena, uti per se planum.*

*Secundò capitur pro miserationis inclinatione,* quâ filius Dei motus naturam humanam assumpsit, & homo factus est; vocatur aliàs, *ineffabilis Dei humiliatio & obedientia.* Talis acceptio frequentissimè apud Patres occurrit; nec etiam est huius loci.

*Tertiò pro exinanitione relativa tantùm,* quando Deus ab hominibus non agnoscitur nec colitur: nec hæc significatio huc spectat.

*Quartò pro incarnatione,* quâ λόγος dicitur humanitatem in hypostasin Deitatis suæ assumpsisse, atq; ita per dispensationem nobis condescendisse. Verùm ista quoq; acceptio hinc remouetur ob sequentes rationes: 1. *quia* per exinanitionem debemus, ac iubemur Christo esse similes Phil. 2. v. 5. Tales 2. nos fieri posse per incarnationem, absurdum. 2. *quia* exinanitio debet applicari ad humilitatis Christianæ exercitium. Ast v. huc facere nequit incarnatio. 3. *quia* Exinanitio erat actus transitorius, ac certo tempore desit: non item incarnatio: rectè enim etiamnum filius Dei dicitur incarnatus; perperam autem exinanitus. 4. *quia* exaltatio est præmium non incarnationis, sed exinanitionis, locis paulè antè allegatis.



12. Propria ac huius loci est, de qua Phil. 2. ad v. 5. ad 9. differit Spiritus S. ex professo, indeq; definiri potest Status Exinanitionis, vel Exinanitio, quod sit Iesu Christi secundum humanam naturam, in forma servili, humilis obedientia, sive subjectio ad mortem usq; crucis. vel sic: Status Exinanitionis est, quo Christus secundum humanam naturam suam, assumpta servi formâ, augustam Dei maiestatem ad tempus abdicavit, ut pati & mori posset, obedientiaq; suâ nostram contumaciam expiaret.

Notentur Theoremata: 1. Ad Exinanitionem pertinet tota historia Evangelica de Christo à natiuitate, usq; ad sepulturam ipsius inclusive.

2. Nomen possunt recenseri Exinanitionis Christi actus: 1. Conceptionis nempe in uteri claustris B. Virginis peractâ: ubi notandum, quod in actu conceptionis & maiestas concurrerit & humiliatio: illa ex parte 1. Spiritus S. seu efficiens, non per semen, sed per creationem: 2. materiam vel seminis virginis, à Spiritu S. fœcundati & sanctificati, citra commixtionem virilis: 3. formam, quippe in conceptione hac planè miraculosa natura Christi humana in momento facta est, & perfecta, id ipsum Spiritu S. operante citra successionem & moram. 4. finis & effectus, quod mundet & tegat impuram nostram conceptionem. Siquidem in conceptione promicuit prima pars obedientiæ Christi opposita primæ parti inobedienciæ Adami, ac nostræ, quoad peccatum originale. Humiliatio v. ex parte Christi concepti, in certa B. Mariæ alui capacitate.

11. Gestâ-

II. *Gestationis* in utero B. Virginis spacio 9. mensium.

III. *Nativitatis*, utpote 1. per genitalia Virgini; 2. nudo corpore, & 3. in stupendâ, & abjectissima paupertate.

IV. *Circumcisionis* octavo die cum insigni dolore, & ἀσπασχυρία conjuncta.

V. *Eductionis* in obscuritate, miseria & penuria. Huc pertinet fuga Christi in Egyptum, commoratio in Nazareth Matth. 2. v. 13. 14. 21. 22. 23. subjectio parentibus Luc. 2. v. 51. profectus in sapientia & ætate ibid. v. 52. Ubi memorabile est quod Marcus c. 6. v. 3. refert, Christum artem mechanicam addidicisse, nempe fabrilem, à Josepho fabro Matt. 13. v. 54. 55. eandemq; exercuisse victus parandi gratiâ, interprete justino.

VI. *Tentationis* in deserto post ritum baptismatis peractum Matt. 4. v. 1. usq; ad 12.

VII. *Conversationis* tempore ministerii sui peracti cum homuncionibus contemtissimis & vilissimis, cum peccatoribus & publicanis Matt. 9. v. 10. 11. 12. Luc. 15. v. 12. & obambulationis sine lare, sine foco Matt. 8. v. 20.

IX. *Passionis* illius magnæ, & extreme, post coenæ sacra institutionem, partim in horto Matt. 26. v. 27. Luc. 22. v. 44. partim in urbe, dum erat deductus ad iudicium Ecclesiasticum & Politicum, utrobiq; miserrimè exceptus & tractatus; partim extra urbem, ubi crucem suam bajulare coactus, aceto myrrhatico potionatus; cruci nudus



nudus affixus, manibus & pedibus perforatis; medius inter latrones duos crucifixus; à Deo desertus; tandem spiritum magnâ cum voce emisit, sicq; mortuus est Matt. 26. & 27.

**I X.** *Sepultura triduanâ in monumento petrazo, ostio ejusdem obserato & designato Matt. 27. v. 59. 64. 65. 66.*

2. *Christi exinanitio includit integram obedientiam, quam Patri suo tam sanctè vivendo, quam innocenter moriendo, pro nobis præstitit, juxta divinam legem.*

Debat quippe Christus contumaciam, superbiam, ac inobedientiam primorum nostrorum parentum expiare, pœnamq; peccati: idèò voluit esse obediens patri suo cœlesti usque ad mortem, mortem a. crucis; cuius dùm meminit Apostolus Phil. 2. v. 8. non excludit ea, quæ per totam vitam Christus juxta voluntatem patris executus est, sed hoc solummodo innuit, *obedientiam Christi, quam ille in omnibus patri suo probavit, inprimis in passione, & morte crucis eluxisse, in eaq; consummatam fuisse.*

3. *Exinanitio Christi tribus gradibus fuit absoluta 1. formæ Dei evacuatione, 2. formæ servilis assumptione, & 3. extrema humiliatione.*

Omnes hi gradus proponuntur ab Apostolo Phil. 2. v. 7. & 8. 1. Christus seipsum ἐκένωσεν evacuavit, vel inanivit (existens in forma Dei v. 6.) 2. Christus formam servi assumpsit. 3. Christus seipsum humilem præbuit usq; ad mortem crucis.



crucis. Singulæ propositiones breviter sunt expendendæ.

14. De Prima. 1. Evacuatio seu inanitio opponitur τὸ εἶναι ἴσα θεῷ apud Apost. d. 1. esse æqualia Deo, h. e. æqualiter sese gerere ut Deum in imperio & majestate, ut sensus sit: Christum noluisse in assumpta sua humanitate sese sic ostentare, ut hominibus appareret, quod esset æqualis Deo; sed divinam suam virtutem in carne retraxisse, hocq; pacto se evacuassee.

2. Evacuatio forme Dei, non denotat vacuitatem, privationem, vel absentiam plenitudinis Deitatis seu potentie divinæ ac virtutis Col. 2. v. 9. Joh. 1. v. 16. c. 2. v. 11. 2. Pet. 1. v. 17. 18. sed retractionis usus, & operationis plenariæ, non quidem in omnibus creaturis absolutè; sed restrictè, & singulariter in assumpta humanitate. Filius namq; Dei homo factus in carne sua retraxit usum divinæ potentie & gloriæ, ut non appareret Deus gloriosus; sed homo vilis & abjectus. Possidebat homo Christus à primo conceptionis momento, uti hypostasin, & naturam; ita omnem majestatem & gloriam λόγος seu filii Dei; aded, ut à primo conceptionis momento in utero B. Virginis sese gloriosum gerere potuisset; sed noluit contra suam vocationem, & Dei voluntatem, ipsumq; redemptionis mysterium. Potius igitur se exinavit, suspensâ usurpatione majestatis suæ in carne, & per eam; eaq; retractâ & occultatâ. Breve viter: Evacuatio non sustulit majestatis, & glorie commun-

communicata  $\chi\eta\eta\sigma\iota\nu$  vel possessionem, sed  $\chi\eta\eta\sigma\iota\nu$  seu usurpationem.

3. Evacuatio non sustulit omnem usurpationem Christi majestatis, sed plenariam, continuam, & incessantem apud omnes creaturas, in coelo & in terra, secundum humanam naturam. Quod namq; particularem attinet, extra dubium est, Christum secundum humanam naturam eam sapientius exeruisse, manifestando gloriam & majestatem suam, & quando, ubi, quoties, & quomodo ipsi placuit (opusque vocationis suae, ac imprimis redemptionis efflagitabat) uti libellus noster loquitur. Ita legimus, Christum sapientius miracula patrasse; rerum formas mutando Joh. 2. v. 11. infirmos sanando; mortuos resuscitando; Diabolos fugando; pectora & cogitationes hominum introspeciendo, eorum voluntates flectendo, unde etiam adoratus est à plurimis secundum utramq; naturam. Nullibi a. legimus, Christum à primo conceptionis momento plenarie, continue, ac incessanter, insuper secundum humanam naturam in coelo & in terra omnia potenter gubernasse, rexisse, ac sustentasse. Quod Ecclesiam attinet, confitemur, Christum in ea & circa eam regendam, dominium suum Gratiae semper exeruisse, vigore promissionis suae Matt. 18. v. 28.

15. De Secunda 1. Forma serpi opponitur tum formae Dei, tum regiae dignitati: non enim se gessit aut ostentavit, ut seu Deus ac rex gloriosus appareret.

2. Forma serpi licet naturae humanae veritatem praesuppo-



presupponat, sicuti forma Dei veram deitatem: non  
tamen est ipsa natura humana; sed species, qualitas,  
status, & conditio servilis. Nam formam servi  
Christus deposuit: at v. naturam humanam  
nunquam deposuit, nec in æternum deponet.  
E. hæc non est idem, quod illa. Vide plures ra-  
tiones apud Dn. Menzer. in Anti-Martin. disp. 7.  
th. 36. 37. usq; ad 42. & postea th. 75. 76. usq;  
ad 81.

3. Forma servi Christi consistebat 1. in similitu-  
dine hominum quoad omnes corporis infirmitates  
2. in figura seu habitu hominum quoad commu-  
nem conversationem, & convivium familiarem,  
ubi omnia erant servilia & abjecta Phil. 2. v. 7.  
Usq; ad baptismi susceptionem adeoq; annum  
Christi 30. Ante illud namq; tempus nil conspi-  
ciebatur singulare habuisse præ reliquis vulgari-  
bus hominibus; postea v. officium suum exe-  
quendo, subinde miraculis resplendescere cœ-  
pit; quæ veluti radii quidam particulares erant,  
quibus Christus deitatem suam manifestabat.

16. De Tertia 1. Extremâ humiliatione Christus  
infra omnes omnino homines, angelos, & creaturas sese  
dejiciens, legi, pro nobis subjectus, obediens est factus  
usq; ad mortem crucis ignominiosissimam Phil. 2. v. 8.

2. Ad extremam igitur humiliationem pertinet  
passio illa magna & extrema post cœne sacra institu-  
tionem, in 1. hortu, 2. urbe, 3. extra urbem, nec non  
perpassio mortis cum summis doloribus & igno-  
minia conjunctæ, in sanctissimo Christi corpore.

De

## DE STATV EXAL- tationis.

17. Uti Exinanitio, ita Exaltatio capitur à Theologis modò *impropriè*, modò *propriè*.

18. *Impropriè* pro Exaltatione *relativa*, *Exaltat*, quâ Christus à creaturis, imprimis ratio-  
nalibus exaltatur, & glorificatur: quâ significa-  
tio à præsentî negotio removetur, quia 1. toti  
SS. Trinitati competit, non soli Christo; at de  
qua nos loquimur, exaltatio soli Christo adscri-  
bitur, Phil. 2. v. 8. 2. quia Exaltatio, de qua agi-  
mus, habet oppositam exinanitionem; *impropria*  
secus. 3. quia Exaltatio præsens est semel tantum  
peracta; *impropria* v. exaltatione Christus semper  
exaltatur, præsertim in Ecclesia. 4. quia præsens  
non fuit in statu Exinanitionis Joh. 7. v. 39. sed  
eundem subsecuta est; *impropria* v. fuit in medio  
Exinanitionis statu Matt. 21. v. 9. 5. quia *relativa*  
vel *impropria* fit à creaturis, *propria* v. huius loci  
à solo Deo, Eph. 1. v. 19. Phil. 2. v. 8. 6. quia *propria*  
est Exinanitionis *præmiu*; *impropria* non item 7.  
quia *propria* realem importavit Christo mutatio-  
nem, translationem videl. ex statu ignominii  
in statum gloriæ; secus *impropria* vel *relativa* 8.  
quia *propria* competit Christo secundum huma-  
nam naturam tantum; *relativa* v. vel *impropria*  
secundum utramq; , adeoq; etiam secundum de-  
itatem.

19. *Propriè* dum capitur, *duplicitè* intelligitur

tur: 1.  
sti fact  
per u  
hypoth  
ad dex  
describ  
atq; in  
perfect  
ex gub  
fie. Ve  
de hosti  
gloriam  
20.  
ponitur  
I  
mana  
lem for  
infirm  
niam  
Et con  
gloria  
majest  
2. v. 8.  
2.  
solvitu  
altata  
forme s  
tisq; de  
plenari  
debito.



tur: 1. *originaliter*, & sic exaltatio carnis Christi facta dicitur in ipso conceptionis momento, per unionem hypostaticam, & assumptionem in hypostasi filii Dei. 2. *consequenter*, per sessionem ad dexteram Dei, de qua h. l. ex professo: ac sic describi solet: Exaltatio est solennis inthronisatio atq; inauguratio Christi ex mortuis resuscitati, ad perfectam, & plenam cœlestis imperii usurpationem, & gubernationem cœli & terræ, ac in primis Ecclesiæ. Vel sic: Status Exaltationis est, in quo Christus de hostibus devictis triumphans erectus est ad summam gloriam, ut nos in ipso exaltaremur.

20. Notentur Theoremata: 1. Exaltatio operatur evacuationi in toto suo ambitu.

Etenim sustulit in Christo secundum humanam naturam 1. occultationem gloriæ, 2. servilem formam, 3. similitudinem & habitum hominum infirmiorum, egenorum, pauperum, ignominiam mortis; nec non omnem imbecillitatem. Et *contra*, posuit imperium plenum, dominium, gloriam & honorem, virtutem, adeoque divinæ majestatis plenarium usum, & exercitium Phil. 2. v. 8. 9. 10. 11. Ephes. 1. v. 19. 20. 21. 22.

2. Exaltatio Christi tribus distinctis gradibus absolvitur: 1. gloriæ divinæ in natura humana exaltata manifestatione, 2. omnium infirmitatum, vel formæ servilis, totali depositione, ac pleni incessantisq; dominii in cœlo & in terra usurpatione plenaria, & 3. summo honore & cultu soli Deo debito.

L

Distincti

Distincti hi gradus passim in scriptura disertè ac distinctim proponuntur. *Primus* Rom. 1. v. 4. ubi filius Dei declaratus esse dicitur ex resurrectione cum potentiâ. *Secundus* Matt. 28. v. 18. Joh. 17. v. 5. Eph. 1. v. 21. 22. Phil. 2. v. 9. Heb. 1. v. 3. *Tertius* ibid. v. 10. 11. Heb. 1. v. 4. 6. c. 2. v. 9.

3. Ad exaltationem Christi referenda est historia Evangelica post Christi sepulturam usque ad finem, ut & illa, quam Lucas in actis commemorat.

Quinq; v. recenferi à Theologis solent actus, ad statum Exaltationis Christi pertinentes.

I. Descensus Christi ad inferos, non metaphoricus ille, in passione, morte, & sepultura consistens, adeoque ad statum Exinanitionis pertinens; sed realis ac proprius, quo Christus in infernum dereniens, præsentem se Spiritibus ac hominibus damnatis palam ostendit. Licet a. in historia Evangelica eius nulla facta sit mentio; siquidem Evangelistæ nec ipsimet intuiti eum erant, nec aliunde relaturn certò perceperant: attamen commemoratur à Paulo Eph. 4. v. 9. & Petro 1. ep. c. 3. v. 19.

II. Resurrectio à mortuis gloriosa, facta quippe corpore Christi glorioso, & modo glorioso; ubi à nullo Christus impediri potuit retinaculo, quin omnia ἐν παντί ὁμολογῶν potentissimè & subtilissimè penetraret, saxa, ligna, ferrum &c. Matt. 28. Marc. 16. Luc. 24. Joh. 20. v. 19.

III. Ascensio in cælum gloriosa Marc. 16. v. 19. Luc. 24. v. 51. act. 1. v. 9. Eph. 4. v. 9. 10. consistens in translatione corporis Christi de loco inferiori in



in locum superiorem; qui tamen non est *ter-*  
*minus ultimus ad Quem;* is n. esse dicitur *supra o-*  
*mnēs cœlos* Eph. 4. v. 10. ipsa Dei dextera infinita  
Marc. 16. v. 19. 20. act. 2. v. 33. 34. ac Deus pater Joh.  
o. v. 17.

I V. Sessio ad dexteram Dei gloriosa, quæ nil  
aliud est, quam exercitium plenarium, plenarii domi-  
nii, majestatis & gloriæ, in cœlo & in terra, in medio  
nimicorum, ac potiss. in Ecclesia Psal. 110. v. 1. 2. 1.  
Cor. 15. v. 25. Heb. 1. v. 3. 8. 9. Ap. 7. v. 17. c. 1. v. 13. ss.  
Matt. 28. v. 20.

V. Resuscitatio gloriosa omnium mortuorum in  
extremo die, & universale judicium Joh. 5. v. 28.  
9. Matt. 25. v. 31. ss. ad finem Act. 1. v. 11. c. 10.  
42. c. 17. v. 31.

#### IV. DE EXPLICATIO- ne Anti-Theseos.

21. Inter Veteres Hæreticos præsentī doctri-  
næ capiti bellum indixerunt I. Eutyches & Eue-  
ychiani, contendendo, humanam Christi natu-  
ram, uti in unione, ita in exaltatione fuisse absor-  
ptam à divina: quam vesaniam arripuit ante  
seculum Schreyenckfeldus: cùm tamen utrobique  
naturæ, earumq; propria salva permanserint,  
extra ullam vel confusionem, vel abolitionem.

II. Alii negabant, Christum verè fuisse  
passum vel exinanitum: quò pertinent Valenti-  
niani, Marcitæ, Marcionitæ, Manichei, Saturnini,  
Casilidiani.

III. Alii geminum statuebant fuisse Christum; unum vocabant IESum, qui passus & mortuus esset; alium v. Christum impassibilem: Huc pertinet Cerinthus, Marcion, nec non Colarbas, Elcesite & Sampsei.

IV. Alii somniabant, Christum in ascensione corpus elementare deposuisse, ut Apelles, idq; ad corpus solare affixisse, ut Manichæi & Hermiani vel Seleuciani.

### V. DE HODIERNIS HÆRESIBUS circa præsens doctrinæ caput.

22. Ac Primò de hæresi Pontificiorum. I. Negant Christum in statu Exinanitionis secundum humanam naturam occultasse Omnipotentiam, & Majestatem infinitam: siquidem statuitur, eam non habuisse per modum formæ, uti loquuntur Iesuite Vilnenses in suis assertionibus super Thomam part. 3. th. 39. nuper divulgatis mens. junio A. 1624. R. 1. Neq; etiam ratio illa habendi per formæ modum à nobis statuitur, sed per modum unionis & communicationis, uti suprà dictum. 2. Christus vel in media exinanitione non caruit divina majestate & omnipotentiâ, quam subinde per miracula exerebat.

II. Negant, cum defectibus connaturalibus corporis filium Dei assumisse defectus Animæ, ibid, th, 39, R. 1, Christum multa in statu exinanitionis



aitionis ignorasse v. g. diem extremi iudicii  
Marc. 13. v. 32. 2. eum sapientia & ætate profecisse  
Luc. 2. v. ult.

III. Affirmant, Christum passione, & morte  
suâ, gloriam corporis, & exaltationem nominis sibi  
meritum esse. ibid. th. 40. R. 1. Christus non sui,  
sed nostri causâ, uti incarnatus & natus: ita  
quoq; passus & mortuus fuit. 2. donatio gratuita  
excludit omne meritum Phil. 2. v. 9. 3. Chris-  
tus non propter meritum suæ mortis, sed per  
unionem hypostaticam originaliter, & per exalta-  
tionem consequenter euectus est ad cœlestem glo-  
riam.

IV. Descensum ad inferos ad statum Exinanitionis  
quidam referunt, ac Christum secundum  
animam tantum descendisse ajunt, ut Bellarm. l. 4.  
de Christi anim. c. 12.

V. Cœlum, in quod Christus ascendit, corporis  
reum esse ajunt. vid. Bellarm. l. 2. de Incarn. c. 12.

VI. Dexteram Dei per certum locum definiunt  
vid. Greg. de Valent.

VII. Sessionem v. ad dexteram Dei per beatitu-  
dinem electorum describunt. vid. Bellarm. quin  
quod à dextris sedere minus honorificum esse  
ait, quam à sinistris lib. 3. de Christ. c. 15.

## SECUNDO CALVINIA- NORUM.

23. I. Calviniani exinanitionem Christi definiunt  
plerumq; per incarnationem, formam servi per hu-  
manam

humanam naturam, sed perperam, uti ex suprà dictis patet.

II. Christum secundum utramque naturam statutum fuisse exaltatum, Alsted. Theol. Schol. p. 561. 568. Martin. in frontispicio libri de Theologia & contra D. Menzer. passim. Keckerm. l. 3. Syst. Theol. c. 5. p. 36. ubi asserit, Christum consedisse ad dexteram patris, ratione utriusque naturæ, divinæ vid. & humanæ.

III. Descensum ad inferos referunt ad statum Exinanitionis. Alsted. p. 553. d. l. & 547.

IV. Christum per ascensum suum ajunt pervenisse ad locum creatum. Martin. Fid. Pseudo-cath. p. 526.

V. Dexteram Dei per certum locum describunt, Martyr. Zwing. Bullinger &c.

### TERTIO PHOTINIA- NORUM.

24. I. Duplicem Christi in celos ascensum faciunt, unum in statu Exinanitionis post baptismi susceptionem per 40. dies; alterum post resurrectionem: Ast nos non nisi unicum & semel factum credimus.

II. Descensum ad inferos modificatè interpretantur cum Calvinianis.

III. Post resurrectionem Christum habuisse corpus non glorificatum, sed animale, uti antea, adeoque cibo & potu indigum, nugantur.

IV. Chri-



I V. Christum in ascensione corpus suum, animale vel elementare mutasse in spirituale, carne, ossibus & sanguine destitutum.

V. Christum exaltationem suâ morte & passione sibi promeritum esse fabulantur cum Pontificiis & Calvinianis plerisque. Vide hæc & id genus alia solidè refutata à Theologis Wittebergenfisibus.

#### QVARTO SCHISMATICORUM quorundam, contendentium:

25. I. Per Evacuationem intelligendam esse occultationem plenarii usus & exercitii Gloriæ, & Majestatis divinæ, idque solummodo coram hominibus. Quo sensu stante, nulla erit Christi realis evacuatio formæ Dei in conspectu Dei; E. nulla etiam realis exinanitio; E. nec exaltatio.

II. Christum plenariè, incessanter, in cœlo & in terra omnia gubernasse, rexisse, sustentasse, secundum humanam quoque naturam suam in statu Exinanitionis. Contra, Libellus noster plenariam quidem majestatis & omnipotentia divina cum carne communicatæ concedit  $\kappa\eta\sigma\iota\upsilon$  vel possessionem; sed negat plenariam ac incessantem ex univ. ersalem  $\kappa\eta\sigma\iota\upsilon$  seu usurpationem, eandem restringendo ad particularem, quando, ubi, quoties ex quomodo Christo placuit.

Sedenti in throno & agno benedictio & honor & gloria & potestas in secula seculorum Amen.

W. J. ...


1870


1887

1870


1.1. Christum stans in manu dextera











Biblioteka Jagiellońska





Biblioteka Jagiellońska



stdr0012641

